

與某國一節並無其事云。

同 二十九日

●參謀次長陸錦被控……參謀次長陸錦。被部員易兆鴻等七十餘人。聯名呈控私吞俄邊調查費教育費及浮冒部員薪水等十二款。政府已派員查辦。

同 三十日

●高等及地方捕獲審檢廳閉廳……對德奧戰事狀態。一律終止。高等捕獲審檢廳及地方捕獲審檢廳。均奉國務院令於本日閉廳。

十月 一日

●直魯晉豫蘇鄂等省請願團代表入京請願……直隸山東山西河南江蘇湖北等省人民。組織請願團。舉派代表入京。本日至新華門要求謁見大總統。請願五事。(一)山東主權未恢復以前。不得補簽德約。及與日本直接交涉。(二)取消二十一條件。軍事協定。高徐順濟滿蒙四路條約。膠濟路換文。與各種密約。(三)要求外交公開及言論集會出版之完全自由。(四)解散安福俱樂部。(五)懲辦馬良張樹元並取消山東戒嚴令。經總統派員接收請願書。不允接見。各代表堅持不散。當經警察廳下令逮捕。將各代表拘留警廳。

同 三日

●廢止審理敵國人民民刑訴訟暫行章程……嗣後關於德奧兩國

人民訴訟。均照審理無約國人民民刑訴訟章程辦理。

同 四日

●上海南北會議南方總代表唐紹儀辭職……自王揖唐被派為北方總代表。抵滬以後。南方代表。因王為多數人士反對。未允開議。南方總代表唐紹儀。特向廣東軍政府辭職。

同 六日

●謝米諾夫侵擾蒙邊……俄國遠東總司令謝米諾夫。率布里雅特兵一千六百人。至恰克圖。旋侵入蒙境烏登。並圖進擾庫倫。駐庫辦事大員陳毅。電請政府撥兵防堵。

同 七日

●熱河兵變……熱河林西鎮守使所部第十營兵士。於本日全體譁變。

同 九日

●浙江水災令撥賑賑濟……浙省入夏以來。霖雨連旬。河流並漲。吳興長興德清桐鄉嘉興嘉善崇德安吉平湖定海等縣。田廬淹沒。由浙江省長電請撥帑賑濟。本日令財政部迅撥銀二萬元。尅日匯交該省長遴員分赴災區。核實散放。

同 十日

●慶祝國慶……本日為第八屆國慶日。京外各官署。均懸旗慶祝。閱兵慶賀議會。均皆停止。京中各校學生。執旗遊行演說。並分送麵包於平民。各省學生亦均開會慶祝。